



REPUBLIKA E SHQIPËRISË

PROKURORIA E PËRGJITHSHME

RAPORT

I PROKURORIT TË PËRGJITHSHËM

MBI GJENDJEN E KRIMINALITETIT

PËR VITIN 2017

Mars 2018

V. GARANTIMI INTEGRITETIT TË PERSONAVE QË ZGJIDHEN, EMËROHEN OSE USHTROJNË FUNKSIONE PUBLIKE

“Sektori i Verifikimit të Integritetit të personave që zgjidhen, emërohen ose ushtrojnë funksione publike”, në Prokurorinë e Përgjithshme ka filluar funksionimin pas hyrjes në fuqi të ligjit 138/2015 “Për garantimin e integritetit të personave që zgjidhen, emërohen ose ushtrojnë funksione publike” dhe Vendimit të Kuvendit të Republikës së Shqipërisë nr. 17/2016. Në strukturën e re të miratuar në Janar 2018, ky sektor vijon të jetë pjesë e Drejtorisë së Marrëdhënieve Juridiksionale me Jashtë dhe ka në përbërje prokurorë, oficerë të policisë gjyqësore dhe ndihmës ligjorë.


Në vijim të punës së këtij sektori për vitin 2017, janë administruar, **563 raste për verifikim të thelluar.**

Departamenti i Administratës Publike ka kërkuar verifikim të thelluar për **451 subjekte.**
Komisioni Qëndror i Zgjedhjeve ka kërkuar verifikim të thelluar për **44 subjekte.**
Institucioni i Kryeministrit, **1 subjekt.**

Kuvendi i Shqipërisë për vitin 2017, ka kërkuar verifikim për **13 subjekte vetëdeklarues.**
Institucioni i Presidencës ka kërkuar verifikim të thelluar, për **18 subjekte vetëdeklarues.**
Drejtoria e Policisë ka kërkuar verifikim të thelluar për **1 subjekt vetëdeklarues.**

Avokati i Popullit ka kërkuar verifikim të thelluar për **34 subjekte vetëdeklarues.**
Këshilli i Lartë i Drejtësisë për **1 praktikë.**

Nga këto, Sektori i Verifikimit të Integritetit, **2 praktika (një praktikë të përcjellë nga KLD dhe 1 praktikë të përcjellë nga Presidenca) me 187 subjekte në total, i ka kthyer pa veprim pasi nuk plotësonin kriteret për verifikim sipas ligjit.** Gjithashtu dhe pesë subjekte rezultojnë të përcjella për herë të dytë nga ana e Institucioneve që administrojnë formularët.




5.1 Për vitin 2017, në total **për 487 subjekte vetëdeklarues** është përfunduar verifikimi dhe janë përcjellë rezultatet e verifikimit. Kërkesat e tjera prej 76 rastesh vijnë të jenë në proces verifikimi brenda afatit ligjor të kryerjes së verifikimit, të përcaktuar në Ligjin Nr. 138/2015 dhe vendimin Nr. 17/2016 të Kuvendit të Shqipërisë.

5.2 Për 136 subjekte, Sektori i Verifikimit të Integritetit në Prokurorinë e Përgjithshme ka vendosur se përfshihen në fushën e veprimit të nenit 2 të ligjit nr.138/2015 si dhe Vendimit të Kuvendit nr.17/2016.

- Për 30 subjekte ose 22 % e rasteve, përfshihen në fushën e veprimit të nenit 2, pika 1, gërma a) të ligjit 138/2015, “Për garantimin e integritetit të personave që zgjidhen, emërohen ose ushtrojnë funksione publike”.
- Për 24 subjekte ose 17,6 % e subjekteve, përfshihen në fushën e veprimit të nenit 2, pika 1, gërma b) të ligjit 138/2015.
- Për 16 subjekte ose 11,7 % e subjekteve, përfshihen në fushën e veprimit të nenit 2, pika 1, gërma c) të ligjit 138/2015.
- Për 55 subjekte ose 40,4 % e rasteve, përfshihen në fushën e veprimit të nenit 2, pika 1, gërma ç) të ligjit 138/2015.
- Për 1 subjekt ose 0,7 % e rasteve, përfshihen në fushën e veprimit të nenit 2, pika 2, gërma a), të ligjit 138/2015.
- Për 10 subjekte ose 7,35 % e rasteve, përfshihen në fushën e veprimit të Vendimit të Kuvendit nr 17/2016 për arsye të mosdeklarimit të të dhënave në lidhje me të kaluarën e tyre kriminale.

Grafiku më poshtë sqaron në përqindje, vendimmarrjen për subjektet që përfshihen në fushën e veprimit të ligjit nr. 138/2015 për vitin 2017.



Për 351 subjekte, pasi ka kryer një verifikim të plotë e të thelluar Sektori i Verifikimit të Integritetit, ka vendosur se nuk përfshihen në fushën e ndalimeve sipas ligjit nr.138/2015.


5.3 Subjektet e përcjellë për verifikim, për të cilët është marrë vendim, janë të kategorizuar sipas nivelit hierarkik si më poshtë:

- Nëpunës të nivelit ekzekutiv, 147 subjekte ose 30,18 % e rasteve;
- Nëpunës, të nivelit të mesëm drejtues, 162 subjekte ose 33,26 % e rasteve;
- Nëpunës të nivelit drejtues, 87 subjekte ose 17,86 % e rasteve;
- Zyrtarë të Lartë, 91 subjekte ose 18,68 % e rasteve;

Gjatë vitit 2017 ka përfunduar verifikimi për 91 zyrtarë të lartë. Nga të cilët, për 72 prej tyre, është vendosur se nuk përfshihen brenda sferës së ndalimeve, ndërsa për 19 prej tyre pas verifikimit të të dhënave kanë rezultuar se përfshihen në fushën e veprimit sipas ligjit nr.138/2015.

Për 7 subjekte zyrtarë të lartë, ka filluar paralelisht dhe hetimi penal për kryerjen e veprës penale të “Falsifikimit të vulave, stampave dhe formularëve” pasi ka rezultuar se kanë fshehur të dhëna në lidhje me të kaluarën e tyre kriminale.

Grafiku më poshtë sqaron në përqindje, subjektet të kategorizuara sipas nivelit hierarkik.



Në dhjetor të vitit 2017, Prokuroria e Përgjithshme i kërkoi Komisionit Qëndror të Zgjedhjeve ndërprerjen e mandatit të dy deputetëve të Kuvendit të Shqipërisë. KQZ me datë 05.01.2018 vendosi të ndërpresë mandatin e deputetëve pasi si rezultat i verifikimeve të kryera nga Prokuroria e Përgjithshme prekeshin nga ligji i Dekriminalizimit.

5.4 Të dhënat lidhur me referimet pranë Prokurorive

Nga 487 vendime “Për miratimin e rezultateve të verifikimit” të cilat ju janë njoftuar institucioneve përgjegjës, 252 materiale referuese për 252 subjekte, i janë dërguar për kompetence Prokurorive të Juridiksioneve përkatëse pasi kanë rezultuar, se këta shtetas kanë deklaruar të dhëna të pavërteta/rreme në formular duke konsumuar veprën penale të “Falsifikimit të vulave, të stampave ose formularëve” parashikuar nga neni 190 i Kodit Penal.

Për 250 raste është regjistruar procedim penal dhe për 2 raste është vendosur mosfillimi i procedimit. Nga këto 250 raste, 18 procedime janë në hetim, 77 procedime janë pushuar dhe 154 procedime janë dërguar për gjykim. 1 procedim është pezulluar.

Nga 154 procedime të dërguara për gjykim, **87 persona janë dënuar nga Gjykata**, 35 raste janë ende në gjykim, për 7 raste është pushuar gjykimi, 19 raste janë transferuar, 6 persona janë shpallur të pafajshëm.